



Projekat finansira
Evropska unija

Regionalni program lokalne demokratije na Zapadnom Balkanu 2 ReLOaD2



u partnerstvu sa Općinom Centar Sarajevo

Izveštaj o održanom trećem mentorskom sastanku u okviru javnog poziva za predaju projektnih prijedloga u sklopu projekta Regionalni program lokalne demokratije na Zapadnom Balkanu 2 (ReLOaD2) u Općini Centar Sarajevo

U okviru Javnog poziva za organizacije civilnog društva/nevladine organizacije za predaju prijedloga projekata koji se organizuje u sklopu projekta „Regionalni program lokalne demokratije na Zapadnom Balkanu“ (ReLOaD2)¹ u saradnji sa Općinom Centar Sarajevo, u petak, 19. novembra 2021. godine u trajanju od 11.00 do 13.30 sati održan je treći (zadnji) planirani mentorski sastanak za zainteresovane predstavnike organizacija civilnog društva (OCD). Termin ovog mentorskog sastanka najavljen je na zvaničnoj internet stranici Općine Centar Sarajevo (www.centar.ba).

Na početku mentorskog sastanka učesnicima je još jednom pojašnjena uloga mentora/ice, naglašavajući da je uloga mentora/ice da ukaže na greške, te ne učestvuje u rješavanju istih. U toku trajanja Javnog poziva do sada su održana dva i današnji mentorski sastanak je ujedno i zadnji planirani konsultativni sastanak za OCDA.

Nakon više pitanja učesnika/ica u vezi dokumentacije, naglašeno je koja dokumentacija treba biti u karbon kopiji a koja u elektronskoj formi. Rečeno je da jedina dva dokumenta (ovjerena kopija važećeg **rješenja o registraciji** i kopija završnog godišnjeg finansijskog izvještaja za 2020. godinu - **bilans stanja i bilans uspjeha**) je potrebno dostaviti u štampanim primjercima uz elektronski medij (USB).

Naglašeno je još jednom da aktivnosti projektnih prijedloga trebaju biti sprovedene na teritoriji Općine Centar i za stanovnike Općine Centar (korisnici projekata).

Mentorica je na početku svoje prezentacije naglasila važnost dosljedne pripreme dokumentacije za predaju projektnih prijedloga, te da je neophodno da osnovni dokumenti budu u međusobnoj korelaciji i logičkoj vezi (logička matrica - plan aktivnosti – budžet - i aplikaciona forma). Naglašeno da treba osigurati koherentnost svih dokumenata projektne dokumentacije.

Pojašnjeno je da se zadati formati ne mogu mijenjati- trebaju se poštovati formati logičkog okvira, plana aktivnosti, budžeta i aplikacione forme (zadržati sve naslove, odgovarajuće numeracije i sl.)

Za organizacije koje će raditi sa školama, naglašeno je da se treba dobiti odobrenje (obavezna saglasnost) relevantnih institucija (*preduslov projekta*) i da dokaz o započetom procesu dobijanja

¹Regionalni program lokalne demokratije na Zapadnom Balkanu 2 (ReLOaD2) finansira Evropska unija (EU), a provodi Razvojni program Ujedinjenih nacija (UNDP).



Projekat finansira
Evropska unija

Regionalni program lokalne demokratije na Zapadnom Balkanu 2 ReLOaD2



saglasnosti ili već dobijena saglasnost treba biti podnijeta zajedno sa ostalom traženom projektnom dokumentacijom.

U završnom dijelu sesije, predstavnici organizacija su postavljali pitanja koja se tiču budžetiranja projektnih troškova (oprema, honorari, PR kampanje) i načina dizajna logičke matrice. Naglašeno je da iznos do **makimalno 30% ukupnog budžeta** projekta može biti iskorišteno za **nabavku opreme** i rekonstrukciju, ali samo ukoliko su ti radovi i oprema neophodni za uspješnu realizaciju projekta. Mentorica je naglasila u kom slučaju neku opremu smatramo kancelarijskom opremom a u kom slučaju se može smatrati opremom neophodnom za provedbu projekta te u tom slučaju prihvatljivom kao projektni trošak.

Postavljena su pitanja u vezi troškova računovodstva, prevoda projektnog prijedloga i pratećih dokumenata u slučaju da projekat bude odobren, na šta je odgovoreno da računovodstveni troškovi spadaju u **administrativne troškove**, dok troškove **prevoda dokumenata** treba planirati u **projektne troškove**.

Organizacije su donijele pripremljene logičke matrice i na zahtjev učesnika/ica mentorskog sastanka objašnjena je interventna logika, SMART indikatori i izvori verifikacije. Objašnjen je koncept vertikalne i horizontalne logike, veza ciljeva iz prve kolone logičkog okvira sa odgovarajućim indikatorima. Objašnjen je koncept SMART indikatora i polazište indikatora. Pojašnjen je izvor verifikacije i veza sa indikatorom. Dato je obrazloženje kako formirati „radne pakete“ koji predstavljaju set aktivnosti za jedan rezultat.

Savjetovano je učesnicima da prate pozive JLS i ReLOaD2 i prisustvuju PCM obuci (upravljanje projektnim ciklusom) jer je evidentno da im ta znanja nedostaju kako bi prikazali projektne ideje na tehnički korektan način kako je to traženo u javnim pozivima.

Naglašeno je da svaki aplikant provjeri potrebnu dokumentaciju za jedan projekat putem **liste za provjeru** (samo potpuno kompletirane aplikacije biće razmatrane tj. evaluirane od strane Evaluacijske komisije).

Zaključeno je da predstavnici organizacija trebaju aplicirati na ovaj javni poziv sagledavajući realne tehničke i menadžerske mogućnosti organizacija, te da za naredne javne pozive (iduće dvije godine) pripreme veći projekat na osnovu stečenog iskustva i naučenih lekcija kroz ovaj javni poziv ReLOaD2.